

Le dotur Eduard Agreiter é demez ai 22 (jöbia domisdé) y ai 23 (vëndres) de setëmber y vëgn sostituì dala doturia Grete Mahlknecht 349 06 67 034.

COMUN: I litadus che oress gnì scric ite tl album dles porsones adatades ala inciaria de compèdausc dess fà domanda te comun cina ai 30.11.2016; chi che oress gnì scric ite por l'inciaria de presidènt de seziun litala dess fà domanda te comun cina ai 31.10.2016. Chi che é bele scric ite n'á nia plü bria da fà domanda.

PLOANIES SAN MARTIN Y LUNGIARÜ

Invit a na sèra „Sön les pedies dla poerté te na **misciun comboniana** tl Zambia“ cun Alma Frenademez y Roswitha Clara da San Ciascian en dedemesaledema, ai 21 de setëmber dales 20.00, tla biblioteca a Al Plan.

Peregrinaje dles Porsones Vèdues y Sores a Absam, en jöbia, 6 d'otober: 7.45 da San Martin, 11.00 mëssa y marëna y 17.00 picia marëna a Mühlbach. Prisc indöt 54 €; prenoté pro Monica 0474 590069 cina en lönesc ai 3 d'otober.

PLOANIA SAN MARTIN

La Uniun dles Ères da San Martin **inviëia al iade a Heilig Geist** la jöbia, ai 22 de setëmber, domisdé. I s'incuntun dales 13.00 sot la dlijia y jun cun n bus. Dailó mëssa cun siur Iaco y da gnì a ciasa storjunse pro a Türesc a mangé na pizza. Präibel anunziess pro Romi 339 71 64 521 o Rosa 320 37 15 113. Gnide dotes!

La Uniun dla Musiga aoda na **buna Segra** y inviëia a tó pert y fà conferta sön plaza dl paiun. Bele danmisdé ciafëise liagnes blances y spo da marëna; dales 14.00 inant tëgn la Musiga Catarina Lanz d'Al Plan n bel concert y da sèra vëgnel soné musiga da bal. Crafuns da segra ne falará gnanca! Gnide a se ciafë.

Tl'injunta ciafëise na plata sura i „**1700 agn San Martin da Tours**“ y la festa tl dom da Porsenú la domënia ai 16 d'otober dales 15.00. Döta la comunité da San Martin é inviada da tó pert. Al vá ia n bus. Präibel prenotesse cina la domënia ai 2 d'otober pro Leo 348 40 96 351; cost 10 € porom, chi sot a 18 agn vá debann.

PLOANIA LUNGIARÜ

La domënia, ai 25 de setëmber, **iade ala Mariahilf-Kapelle** dlungia Stilfes (Sterzing) y a Schloss Wolfsturn da Lungiarü demez dales 6.50, mëssa dales 8.30 a Stilfes, tru dles staziuns cuntra la Mariahilf-Kapelle (indöt 4,3 km), marëna, vijita dl ciastel Wolfsturn (ciacia y pëscia) y dales 16.00 gnunse a ciasa. Le iade costa 15 € y le museum 5 €, chi sot a 18 agn ne paia nia. Prenotaziuns cina ai 22 de setëmber pro Pio Mischi (do les 18.00) 0474 830 450. Düc é inviá!

Camper **Zenter Consumadus**, a La Ila sön plaza dla Ciasa de Cultura, en vëndres ai 23 de setëmber 2016, dales 15.00 – 17.00 por dé informaziuns.

De dla **Proteziun Zivila** a Al Plan ia Ras ai 24/09, dales 13.00-18.00: evacuaziun dl lift cun jolier, simulaziun de n fuch te bosch y de n inzidènt sön strada.

Concert sacral dl iubileum **500 agn Dlijia da La Ila** en sabeda, ai 24 de setëmber, dales 20.00, tla dlijia da La Ila cun l'Orchestra Val Badia. Düc é dër bel inviá!

Cures y bagns a Abano Terme dai 6 ai 13 novëmber hotel Helvetia: prisc 560 € porom, por ciamena da susc 630 €. Prenot. cina al 1 de novëmber: Monica 0474 590069; Südt.Spark. IBAN: IT 92 X 06045 58181 000005000646 „Helvetia“



www.unitepastorala.org

Plata dles Ploanies San Martin y Lungiarü

siur **Iaco Ploner** 333 48 32 765 / 0474 453 003 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194

18.09. - 25.09.16 nr. 43

termo da publiché: jöbia 20.00
radio: 90,40 / 93,70

25^a DOMËNIA IA POR L'ANN - C

Vangele do San Lüca 16,1-13

Impò – i sa ci ch'i mëssi fà,
che la jënt me toles sö te sües ciases,
canch'i sarà desmetü sciöche aministradù.
Al à cherdè adalerch i debiturs dl patrun,
un indolater, y à damané le pröm.
Tan ti este pa de debit a mi patrun?
Al à respognü: Cënt barji d'öre.

Y al ti à dit:

Tol to scrit de debit, sëntete atira y scrî "cincanta".

Spo àl damané n ater: Tan este pa tö de debit?

Chël à respognü: Cënt saç de formënt.

Y al ti à dit: Tol to scrit de debit, y scrî "otanta".

Y le Signur à laldè la furbizia dl aministradù dejonèst y à dit:

I fis de chësc monn é cun chi de süa sort plü furbi co i mituns dla löm.

Ci dess pa spo fá i fis dla löm?

S'astilé sciöche i atri da furbi cun sü scioldi por vire y rové tl lominus de Dî!

„Sorvì ldi“ n'ó dessigü nia dí: vire zënza scioldi,

mo adoré i scioldi te na maniera acorta y sapiënta, y chëra pó ester:

Davagné i scioldi te na maniera iüsta y paié les cutes,

rete ci ch'an s'á impresté fora,

fá dl bëgn cun ci ch'an á, ofrí, partí

- y nia ma cun ci ch'an á dessurora.

La vita eterna pro Chël Bel Dî che Gejú impormët,

me motivëia da me mëte bele sëgn sön tru

cun mi comportamënt a sorvisc dl vijin y a plajëi de Dî.

La maniera dl monn chir le suzes, la potënza y la richëza.
La maniera de Dî nes inviëia ala umilté, al sorvisc y al amur.



	SAN MARTIN		LUNGIARÜ
18.09.16 25^a DOMËNIA – ANN C	9.00 Corona 09.30 Gran Mëssa	18.09.16 Domënia	7.55 Corona 8.15 Gran Mëssa 14.00 Tru dles Staziuns dla Uniun di Èi
19.09.16 Lönesc <i>Jenare, Igor</i>		19.09.16 Lönesc	
20.09.16 Dedolönesc <i>André Taegon, Hasang y compagns</i>	15.30 Mëssa sö Ju + Giovanni Flöss y familia + + Mariangel y Berto Tavella + Linda Mühlmann	20.09.16 Mertesc	
21.09.16 Dedemesaledema <i>Matí apostul y vangelist, Ionas</i>		21.09.16 Mercui	7.30 Mëssa por vis y ++ dles families Alní + Franz Clara, mone en onú dl Agno Custode
22.09.16 Jöbia <i>Mauriz, Ulpia</i>	7.30 Mëssa di scholars + Sepl Ferdigg (dl ann) + Paul Ferdigg + Irene Prousch Corona por vocaziuns 13.00 Peregrinaje dles Ères a Hl. Geist/Ahrntal	22.09.16 Jöbia	
23.09.16 Vëndres <i>Pio da Pietrelcina, Tecla</i>	18.30 Adoraziun chita 19.00 Adoraziun deboriada	23.09.16 Vëndres	14.00 Mëssa de rengraziamënt di stradaröi
24.09.16 Sabeda <i>Rupert y Virgile</i>	15.30 Mëssa tla Ciasa de Palsa 18.30 Mëssa prefestia en onur de S. Ujöp Freinademetz por fam. Orlando + Mario Sutto + Vijo Clara (dl ann)	24.09.16 Sabeda	20.00 Mëssa prefestia por i nüc Roman Rungger y Martina Sorá fam. Iaco Castlunger de rengraziamënt dl ann + + Angela y Benjamin Clara dl ann + Albina Clara, morná
25.09.16 26^a DOMËNIA – ANN C <i>(500 agn dlìjia da La Ila)</i>	<i>Segra – Aniversar dla Consacraziun dla Dlijia</i> 9.00 Corona 09.30 Gran Mëssa 11.00 Bato de Mattia Ploner Bato de Lara Marie Orlando	25.09.16 Domënia	7.55 Corona 8.15 Gran Mëssa 15.00 Corona tla capela de S. Ujöp da Oies